

شكر

الأسيرة الأزاجيز

فالد عبد القادر



الطبعة الأولى
1997



الأعمال الكاملة

t.me/kotbhm

سيرة الأراجوز

شعر

خالد عبد القادر

٢٠٠٧

سيرة الأراجوز

(١)

حَبِّي الشَّارِع

و حَبِيَّتُهُ

عَضَّ قَلْبِي اللَّيْل

و عَضَّتْهُ

خَصَّنِي الْإِنْسَان

و خَصَّنَتْهُ

لَمَّا بَانَ مِنْ وَشْتِهِ .. عَفَارِيَّتَهُ

(٢)

كُنْتُ أَشُوفُ النُّور

و أَشُوفُ ضَلِّي

كَانَ يُوْتَسِّنِي الشَّبَه

و اللَّي

عَدَّا فَيَّا مَسَابِشِ نَقْطَةِ دَم

عدًا فيًا القمح .. سمّوني

عدًا فيًا الفجر .. صبرني

عدًا فيًا الحزن .. غيرني

عدًا فيًا العُمر .. كبرني

خدني م اللفة

لمريّلي

خدني م التسنين

لحصّالتي

خدني من مدرستي

ع الجامعة

خدني م الترعّة

على الأسفلت

خدني من بيتنا

لحد القطر

سابني فوق عشرين سنة .. وخمسة

سابني للتوهة

ف محطة مصر

(٣)

خدت م الأتوبيس

مرايأته

خدت م السواق

حكايأته

خدت م الركاب

تذاكر موت

لف بيّا الموت .. محطاته

(٤)

شفت ع الكورنيش

ملامح غول

شفت مرسيدس مع الحافي

شفت همبورجر

في طبق الفول

شفت ناس تشبه لبعضيها

كنت لا اعرف دول

و لا اعرف دول

(٥)

شفت في الإشارات
بواقى الدم
شفت عَ الأسفلت ساكسونيا
شفت في الشعرا
القلق و الخوف
شفت ياما شفت
خُفت لاشوف
قلت اعيش أعمى
ف عز الشوف

(٦)

سنّ قلبي الشكّ
شكّكني
ضمّني ع الوحدة
فكّكني
قفّل الشبايبك
وشبّكني

فوق سرير أحسن

من الأسمنت

نمت..

لَمَّا نمت

ما حلمتِش

خُفت يوم احلم

و يوم ما حلمت

كنت بصحى لصوت

بيندهني

قال: يا متهمّش

و إيه همّشك!؟

قلت: رمش البنت

لو يرمشك

قلت: جلد الفقر

لو كرمشك

قلت: ناب الوحدة

لو خريشك

كنت قلت يا حلم في المشمش

طال سواد الليل

صغار مشمشك

(٧)

وقففتني البنت

في المسافات

فكرتني بكام

مِسا فات

واحنا كل غياب

عن الحاضرين

واحنا كل حضور

عن الغائبين :

شوفني يوم .. اتنين

وحوَّشني

خايفة بُكرة يحوشني

توحشني

و انتا لسه معايا

واحشني

ليه كلام بُكرة

موغوشني

(٨)

ياللي واحشاني

متوحشينيش

ضحكك السكر

ماحالانيش

خُفت مِ المطرة

قفلت الشيش

ليه فِضِلِ إِسْمِكِ عَلَى الشبَاكِ

خُفتِ اسْبِيْهُ هِنَا

جَرِيتِ فِي الطَّلِّ

كُنْتُ تَحْتَ المِطْرَةِ

مِترِ قِمَاشِ

كَانَتْ المِطْرَةُ

إِبْرَ فَيَا

فَصَلَّتِي المِيَّةِ

شَمْسِيَّةِ

حَطَّنِي الشَّارِعِ

في إيدِ إسمِك

(٩)

كنت جايب

دبلة و غويشة

كنت شارب

خمرة معشوشة

شفت شبهك

قاعدة في الكوشة

قُلت هيّ

لأ.. دي مش هيّ

فتّشتني الدمعة

عن ميه

كنت أنشف

من حطب محروق

كنت أصيق

من شروخ و عروق

(١٠)

حُزن يا محوّل

خطوط سيري

حزن يا عطار

ف باب اللوق

شوف لي تحويجة

لتفسيري

حُط ريحة بُن لضميري

شوف لي عود أصلب من المغشوش

شوف لي حد يكون بيشبه لي

لو شبه شبيهي

مايشبهليش

لأ.. دا انا شبيهي

رغيف العيش

و لا يشبهلي.. حمام بيتنا؟

و لأ.. شجرة سُنط

مالية الحوش؟

و لا يشبه لي
العيال في الجيش ؟
حتى شكل الضحك
بقا مييري
لأ ميشبهليس
غير اللي غاب
حد له إسمي
و له شكلي
كنت بضحك له
و يضحك لي

(١١)

جبت ليه صاحب
و حبيته
زفني في المترو

زَقِيَّتُهُ
لَمَّا مَاتَ فِيَّ
وَمَتَّ اَنَا فِيهِ
رُحْتُ لَهُ بَيْتُهُ
وَعَزِيَّتُهُ
رَدَّنِي عَ الْبَابِ
عَطَبَ رُوحِي
جَابَ لِي نَائِي
وَزَنُونَةَ مَطْرُوحِي
مُرَّ.. اَنَا يَا صَاحِبِي
لَوْ دُقَّتْ نِي
كَنْتُ أَقُولُ الْآهَ
مَا صَدَقْتَنِي
يَطْرَحُ إِلَيْهِ الْمَلْحَ
غَيْرَ مَالِحٍ
يَطْلَعُ إِلَيْهِ مِنَ الْجِرْحِ
غَيْرَ مَجْرُوحٍ
كَنْتُ بِنْدِهِ لَكَ
حَلَاوَةَ رُوحٍ

(١٢)

حُزن يا بقال

ورا الجامع

هات بنص ريال

عسل في الكوز

خُذ سنين الجري

و سيني

هات لي سن غزال

دهب عيني

قطّع الأسفلت

شرايني

هات بياض القطن

شاش اللوز

دا اللي كان عيّل

بقا شاعر

و اللي كان ضاحك

بقا... أراجوز

جُرن العيال

كانت البلد ع تْكُح
وصفولها تشرب عيّل اسود
كل يوم الصبح
كل يوم ع الريق
خلصوا العيال
و الكحة زادت
و زادت
لما عادت
صيف..شتا
گرشة نَفَس
تنفخ غبارها
فوق بيوتها.. و الشوارع
و الهوا..مدسوس عليها
دَخَنه دَشّ الخليج
صَفْرَ أماشيره
في جرس المدرسة
و ف ندهة الجامع

كان يا ما كان
كانت بلدنا بحيرة زرقا
- قبل مبنى السدّ -
في الفيضان
كان اللي يركب
فلقة أو مركب
كان اللي يمشي
يمشي حافي
لو يسعي جزمة.. يبقى م الأعيان
كان العيال فرسان
كانت البنات.. غزلان
كانت مواعيد الفرح
مظبوطة ع الموسم
و القرش و المليم
ع ينفخوا الجزلان

كان يا ما كان
أربع رجالٍ مُتَلَمِّين
لَقُوا على الغدر الشَّيلان
نصبوا على جريد الطريق
ستين كمين
كان البلح... طايب
و كانت ريحة سَمْسِم الغايب
مغارب
كان شابٌ راجع من صلاة العُربة
قلبه م الشقا.. دايب
هزّه الهوى.. و صفّاه
كانت الديابة عَ تعوي و موالفاه
كان العبار... صايب
و صرخة نخلتين
" يا روح يا ناس "
نايمة البلد
و اللي صحي
خوف السؤال

يا عيال
إنتوا السنابل
و انا جُرن الغياب
عَ الأرضِ مِتكوْم
و مستني الدّراس
مستني ناس
هيفنصفوه عَ الحَبّ
يبقى اردب
فجر ابيض
إنتوا العيال
قناديل دُرّة
و عيدان وَنَس
عَ المندرّة
و أنا الحرايق
لما نَطَّت عَ السبايت
إنتوا العيال .. عارفين
حلّمكم صاحي
و انا اللي

طَبَّقَ الميادين
و لَفَّ الحبل فوق الحِلْم..
شَنَقَهُ
عَ العشا الباهت
إنتوا العيال
راجعين
ملايكة
من صلاة العيد
و انا اللي رَبِّكَ المواعيد
بخرتني الشمس قبل الضُّهر في الأعياد
يا عيال.. جداد
و أنا القديم في الطَّل
زي النخل
إنتوا المواويل الذهب
قراريط
و انا قِشْر القَصَب

دسوني يا عيال.. م البلاد

دسوني مني
و من حبيتي
و من صحابي
دسوني في كمامكم
من الدخان
دسوني جوا الساقية
من عطشي طويل الحزن
دسوني جوا الجرن
من جوع المحبة
دسوني فوق القبة
من قيالة الحافي
و من خطوة ورم
دسوني في بوز الطلمبة
من بلهارسيا الهَم
دسوني يا عيال م المرض
من علقم الريق.. و الدوا

لا تخافوا مني

صحيح انا ضلّي
بُقع من دم
لكّني
شفيف.. و خفيف.. هوا
مين مرّ
عدّاني هوا
و مين وقف.. فيّا اکتوی
يا عيال سَمَا
و أنا الحَمَام في الفخّ
إنتوا المهر.. تصهل
و أنا الجَمَل
عَ يَنخّ
يا عيال نُضاف القلب
إيه اللي جابرکم
على الوطن ال.. وسخ.

وسط البلد

(١)

منكوش الروح
واقف ف ميدان فاضي
مليان بالدينيا
و برتب مسافات ضلمة.. في عيون الناس
و بسرح شعر التماثيل الواقفة ورايا
و أصفر..
يتبعني كورال و نحاس
و التاكسيات الخضرا.. تعدي
و أشاور.. و لا حد يهدي
و أتاري..
أنا اللي سريع في الجري
و التاكسيات في يمين و شمال..
دي شجر!!

(٢)

الزحمة

تتصب من السينما

و انا واقف.. و ببص

و اعرف إن الفيلم خلص

ببساطة

أمسك إيد آخر واحدة

- ممكن تحكي لي الفيلم

مشهد واحد بس

قلم !!

و الواقف في الشباك يقول : ممكن

ممكن تمشي.. لو عندك..

دم !

(٣)

مسنود ع البرج .. تقيل

و البرج يميل

محفور ف رصيف

و على حجّره أحلام .. مناديل

و ف سنّه اللولي .. يفتح بيت

و إيديه دي خيوط

و الفقر بينحل في وبرها

آه يا احمد

لسه عيونك .. مصر جديدة محدش زارها

عايش قلبك .. رغم الضلّمة

ف نوره الصافي

دوس ع القاهرة يا احمد

دوس بال...

" أحمد حافي " !!

مبيضحكش

ما بيضحكش الواد الواقف
عند بتاع الفاكهه
ما بيضحكش..
عنيه دي فراشه
رايحه و جايّة على شباكها
طلّت هيّ
رفعت رمش
و سابت رمش
نصبت فوق الضحكة.. إشارة
شدّت فوق الليلة ستارة
و نامت
لكن هوّ الواد الواقف
عند بتاع الفاكهه
لسّه منامش

ما ييضحكش الواد الواقف
عند بتاع الفاكهه
حتى بتاع الفاكهه
طَفَى كلوئُهُ
و طَى الراديو.. عشان بيّوش
شدّ البالطو
شد الكحة
و شد البرد
و شد سجارته
و نام
حتى القهوة
قالت كِش
ف وش.. ملوك الليل
عواجيز و سهارى
حتى الحارة
واريت بابها
مسحت كل رسوم الحَجَلَة
و كل خطوط النكش

سندت راسها ما بين خطّين
بين يملك.. و ما يملكش
و هوّ.. الواد الواقف
عند بتاع الفاكهه
ما بيضحكش

...

لسه الواد الواقف
واقف

ما بيمشيش
شايف.. حد قصاده في البلكونه
و خايف يطلع هاجس ضلمه
خيال للشيش
تعب الواد
بص يمين و شمال
و ضحك
لكن هيّ ..
البت الواقفة ف نص أوضتها
ما بتضحكش.

سيف خشب

عَشَا بَاهِت
و سَهْرَةٌ مِ الْوَجْع
نَامِت
مَنَام سَاكِت
و لَا بِيْرِفَ بِالْأَحْلَام
و لَا بِنْفِرِقِ سَاعَاتُهُ كَام
يُعْضُ اللَّيْلِ صَوَابُعُهُ يَيْن ..
مَا يُنِيش
يَحْنُ لَطِيف .. مَا بِيْحَنْش
و يَدْعَكَ قَلْبُهُ ..
تَطْلَعُ بِنْتُ جَنِّيَّةٍ مِّنَ الْمِشْمِشِ
و مَا يُهَمِّش ..
إِذَا غَابَتْ
و يَتَكَرَّر .. فِي وِرْدِ اللَّيْلِ
عَشَا بَاهِت ..
عَشَا بَاهِت

ولد مُدْهَش
مايْتَهَرِّشْ ..
إِذَا يُرْقِصُ عَلَي جَرْحُهُ
لَا يَتَلَحَّبُ
فِ إِيقَاعُهُ
و لَا يَحْبُطُ
فِ ضَلَمَةِ حَيْطُ
بِتْتَسْنَدُ
عَلَي دِرَاعُهُ
يَابِرَةٌ وَ حَيْطُ
وَ بِيحَيْطُ
رُقْعَ شِعْرُهُ
وَ سَيْفُهُ خَشَبُ
وَ لَمَّا يَحِبُّ ..
يَتْمَرِدُ ..
عَلَي نَفْسِهِ
يَاخُذُ نَفْسَهُ ..

و يجري لحد
مايلاقي أثر فرسه
يقف .. ينهج
يقف .. ينهد
و فوق رمل التعب
يسحب
وراه ضله
و شمس سرايه قدامه
و بتضله
صحاري بلاد
و بيقسيم ما بينه و بين قمر زاوه
يا صحرا مين زرع قلبك
بكذبة بكره
مين حاجز صفار لونك
عن المطره !
و مين باني ف عنيكي السد
يا ضلعين
ما بين غايب و بين غايب

يا أرض عَمار
بيحكّمها الحديد و النار
يا شِقَّةَ وَرد
بُتُوس العَطش
تِحتار
ما بين موتة و ما بين موتة
يا ناس عايشة و أحلامهم
على التوتة
محدّث شاف
ولد فايق
لَكِنْ سكران فِ حدوتة

و لا بيخاف
شوارع فاضية بتعدّيه
و بيعديها
مش بإيديه
ما بيحسّش بأزمة ليل
بترميله البنات .. مناديل
عشان ينزف عليها الجرح

مايَلِّمِشْ
و مايهَمِّشْ
إِذَا اتَهَمِّشْ
إِذَا غَايِتْ
و لُهْ سَايِتْ
عشا باهت

ولد مُدْهَشْ
بيعرف يدهن الشباك
يلون البُنْ
و يبروز صور حاله
فِ فِنْجَالِهْ
يشدُه الصبر بحباله
و هو يَضْفَرُ السَّكَّةَ
بخطوة بنت تستناه
و لكن لَمَّا غَايِتْ
تاه.

قميص شرقي

أنا معرفتش
اضم دراعي على صدري
و اقل كل باب أو شرح في كفوفي
و من خوفي ..
فتحت قميصي لعيونهم
و اتمليت بالناس

آه
و احب الناس
و احب البيت ع البيت
يبات مسنود
و احب الشارع
رافع كفه للضلمة
بضي عمود
و احب القهوة و المترو
و احب المشي ع الكورنيش

و احب النيل و لو مرضيش
يشتريني و قالي مفيش
و احب بنات شبايكي
و اقول بالعامي و الفصحى
" باموت فيكي "
و احب الشعر
و خصوصا بكا دنقل
كلام درويش
و احب سجايري " كلوباترا "
و ادلعها و اقول "كوبي"
عشان كوبا و أدب كوبا
و احب بلدنا
ومنهوبة و منكوبة
و احب الناس
شوارعهم دي مفتوحة على قلبي
و اعدّي.. في صباح الخير
و اقول خبي
يا واد خبي
عن الصاحب ليقتكرك بتحتاجه

عن البنت لتعكر فساتينها
عن الشيخ - اللي شبه جدك -
لتفرط بسبحته عيونك
يا واد خبي عن الدنيا
أكيد في السر بتخونك
و تعشقها

..

و احبك
لوني من لونك
و حزنك ده أكيد حزني
و باحتاجك
و اقول .. فينك
وآه لو ..
وآه لو ..
فيندهني سراب في الغربية
يقولِّي .. " لو "
ففتح دروب شياطينك
و لا جابت و لا ودت
فضلت تحب .. كل الناس

و هما فين .. مُحينك !؟

أبريق الشاي

يا عيال بتطير فوق المَدنة
قلبي استنى
و استنى كثير
خَلَص مشاوير الليل
و اَدَارَى ورا العَمدان السودا
الْكُلَّ سريع بيعدّي
محدّش شافُه
و كالعادة
هزّ كتافُه
و قال ما يهَمّش
هَلَعِب وحدي
هَطَلَع للمَدنة
و عمري ما ادوخ
من سَلَمها الملفوف بِشروخ
يا هَطِير فوق المَدنة
زي القِميري

يا هطَّبَ على قباب الجامع

زَيِّ المَطْرَة

و لا هَغْرَق

فِ عَرَق

على قورة الصُّبح

اللي بيجري

فوق سير بُكرة

..

الصُّبح

هوَضَب كشاكيلي

ألواني الفُلوماستر

كراسة الرسم

الكُتُب المتجلِّدة بالضحك

الأستيكة

بحناها كثير

- و ياريت العُمر سظوره رصاص -

راح اطبَّق منديلي

و أحطُّه في جيبي

أخاف لأبكي
ينزل دمعي
على أرض لغيري ما تتبلّش
أما المندبل
هيحوّل مجرى الدمع على جيوبي
و هحط معاه
مصروف اليوم
و شوية هوا من ربح بيتنا
..
هاخد كرامياً من البقال
و اركب عجلة
من غير بدال
و اطلع ع السما
دوغري
دوغري
و السكة لا فيها يمين و شمال
و القمر الواقف في السكة
عجلاتي ياجر للطايرين
النص خيال بريال

و النّص سَمَا بجنيه
و المدرسة فوق
و انا متأخر
و الميكروفونات في طابور الصبح
تنادي على الغائب
و الغائب نايم فوق غيمة
و الغائب رايح للسيما
و أنا الغائب
بس الأيام أيام جُمعة
و لا فيه مدرسة راح تفتح لي
و لا فيه أستاذ راح يشرح لي
هاخذ لَقَّة
فِ السما و كمان لَقَّة
و كمان لَقَّة
هادخل للفصل من الشباك
و اقعده فوق تختة
إزاز فِ إزاز
و أمدد فوق كرسي الأستاذ
هَرَّاز .. هَرَّاز

و أَعْيَى: أنا أبريق الشاي
الشاي بحليب
ليه مشريتوش
مع إن السُّكَّر كان مرشوش
و الأبييض أبيض بيصالح
و الراديو الناشونال كان صافي
من غير تشويش
بيذيع أخبار مفهّاش رشّاش
و الشتا كان طالع من صدري
فِ بخار ميه
و لا فيه دُخَان و لا فيه نَهْجان
و لا كُحَّة بتعزق فِ الشريان
ليه ملحقتوش
الشاي بحليب
قبل ما بيرد
يا عيال بتطير فوق المدنة
قلبي استنى
و استنى كثير

بعد بكره

وحمام

حمام

حمام

و بياض بياخدني على جناح الحمام

يلقط بمنقاره السهر

صدري شَبَك

نَفْسِي اشْتَبِك

ما عرفت انا

وحمام

حمام

..

م الجري في الهديان

تعبت

وقفت

شُفْتُ فِ خَطَوَتِي فَرْدَةً حَلَقَ

مِن بِنْت مِين ضَاعَت

ناديت : يا سندريلا
ليلي انتصف
و صحيت
لقيت بُقع الفراغ في الكفّ
فوق الكفّ .. نُص عروقي
واقفة بترتجف
و بتشتكي وجع الضروس
كان الغطا كالملاحات
كان السرير اعشاش ناموس
و جناح حمام
بيهش عتي
قرصة الصحيان
بيان بتفتح لي بيان
نَجَف
يُصبّ النور
أباريق ميه سُخنه .. و كمادات
و عطش في لون الرمل
متعلّق على الشباك

يشدّ الجلد فوق الصهد
يتشكّل..خزف
ريقي نشف
أنا عايز اخفّ
أنا عايز الفّ .والفّ.. الفّ
و يا لمونة دوخيني
يا حمام
دووخ لّمّا ادوخ
هرجع أنا.. عيل
عشان
انتا الحمام ترجع فروخ
أنا عايز اسيب فوق كل ناصية
شيشي
و العب معاك صيد الحمام
و انّ خُفت منّي اياك تسييني
بُص
غمّض انتا
غمّض قوي
ميش نُص نُص

و انا هاستخبي جؤا مني
و ان لقيتني .. يا حمام
طير يا حمام
طير يا حمام
و سيني الفّ
و سيني الكُح
و سيني اقول
أنا عايز اخفّ

..

أنا لسه هكتب ع الصعيد
ع الناس و ع المترو
و عن جمال حمدان
و عن مليون شهيد
أنا لسه هوصف
ضحكة الترمس في ايدي
ف وحدة الكورنيش
و شايف
كُل كفّ ف كفّ

أنا لسه هو وصف
لَمَّا شفت اسكندرية
نازلة من السما
فِ مِلاية لَفَّ
شيء مش بعيد
إني الأقي
(دستوفسكي) في المُنيرة
أو (طاغور)
وسط القهاوي في الحُسين
أو حتى الاقي جَوّا مني
ميدان حمام

بُكره.. اتحدَف
من الكلام
هات (بعد بُكره) يا حمام .

حارة سدّ

أنا سهرتين
كانوا على كورنيش كلامك
و انتهيت
أنا ندهة الغربية في صوتك
لما غرّني نداكي
و تَهْت في الزحمة و بكيت
أنا حارة سدّ
و بيت ما عمره سيكّنه حدّ
شباك و مقفول ع اللي جوا
و اتكسى بالعنكبوت
..

ليه يا مدينة تكسري ضحكة ولد
جالك.. فراشة
شدّها النور و الدفا
ملقاش مكان حتى لخطوة توصله
لعيون حبيبة

و اللي قالت له: نسييت
إيديه و ف جيوبه يططب ع الورق
عَ الشعر و الليل و السكوت
نازف على كل الشوارع أسئلة
قلبه طري..
كَلته السكك
و يقوم.. يُقع
و يقول مدد
ما يرد حد
و لا مرّة حتى بسملة
بيجاوبه صوت

هي النواصي فرقت
كل العيال السهرانيين
راحوا البيوت
مفضلش منهم إلا انا
مَتَكِي على صدري و بموت
و الليل تابوت.

تجربة

جرب تشوف دمك وتختبره
يمكن يكون أسفلت
مِتنكّر
في شريانك
يمكن تكون شرايينك نفسها
أنايبب
و بتكرّر في قطرانك
يمكن تكون انت
صفاية بني آدميين
كُلّ اللي بيعديك بيسيب سواده
فاعجن دراعك و احتمل
لما تغرز في الوريد
مواسير هوا
و انزرف
انزرف
انزرف .

تلميح

و اهاود
و اراضي
و احاسب
و ادادي
و احاول
أحاول ألمَّح
ألاقي سُكاتِك
بيجرح
و بسُكَّتِ قصادِك
يا ساكنة
قصادي

لِ عِلْمِكَ

لِعِلْمِكَ
لَمَّا بَقَابِلِكَ
مَبْعَرَفَشِ اقْوَلِكَ
مِيرَسِي.. و مِي تُو..
و سِي يُو.. و بَاي
لِأَنِّي.. إِيكَيْتِي شَعْبِي
كَلَامِي بَقَلْبِي
لَا بَعْرِفُ أَزْخَرْفُ
و لَا أَعْرِفُ أَحْبَبِي
و بَرَضُو لِعِلْمِكَ
مَبْعَرَفَشِ أَرْبُطُ
كِرَافِتَةِ و اخْنَقُ
رَقَبَتِي زِيَادَةَ
و قَمَصَانِي سَادَةَ
كُحْلِي و إِسْوَدُ
سَاعَاتِ بُنِّي غَامَقُ

كمان و بصراحة
عشان ابقى صادق
مبعرفش أي أصول فِ الشياكة
لكنتي يعرف..
أجمّع شوارع مدينتك
و اخليها توكة
تنام بين ضفائرك
و اضمّ البيوت ع البيوت
و اغزلها بيني و بينك خيوط
و بعرف أخلّي الكورنيش دا باب
و اعرف أخلّي
النيل بيظهر
من غير باروكة
تشوفيه شباب
و اخلي انعكاسة عيونك بكفّه
أحلي فلوكة

و اقولك
مبعرفش آخذ بإيدك في رقصة
و لكن حقيقي
بفكر في رقصة معاكي
تعالى و بُصّي
لما عنىكي عليا تبص
قلبي بيرقص
بيرقص .

كارثة نص الليل

تلبس قميص من غير فائلة
و البنطلون من غير حزام
و الجزمة.. بنص
و تشدّ أوكرة باب كمين
تبعت عينك في شمال.. يمين
و بخوف تبص
الدار أمان
شارع .. أمان
و الناصية و الشبايك
أمان
حتى الحيطان
سدّت ودانها
عن أزيز صدرك
و مالت من غبارك

تُخْرَجُ

تَشْوَحُ لَكَ لَمَضَ عَوَامِيدَ

و تَنْبِحُ مِنْ بَعِيدَ

- عَلَى صَوْتِ سَجَائِرِكَ -

أَلْفَ ضَلَمَةٍ

و لَا مَيْكُرُوبَاصَ

و لَا حَتَّى تَوَكَّتُوكَ

طَمَنُهُ ضَلَّكَ

يَا تَرَى

إِيَّهِ اللَّيِّ خَوْفَهُمْ

عَرَجَةَ صَوَابِعِكَ

أَوْ وِزْمَ عَيْنِكَ

أَوْ وَقَفْتِكَ تَحْتَ السَّمَاءِ

بِشْوَيْشِ

تطلع
سلام ليل
توصل لحد الفجر
تقعد
تلغراف فُجائي بيوصلك
" يمكن أكون غضبان عليك .. لكن بحبك "
" مهما ابتعدت . يا شبر تايه في الملايك .. راح تجيني "
إيه العلامة في المحبة ؟
لسّه فاكر لما صاحب قال: يا كافر
لما قلت
" شُفت مرة .. ربّنا في الورد "
صاحب
رغم عتّه ماشافش شوفك

تنزل
تلبس التمثال
يليق ع الطقم
يتشعلق فِ روحك ميت فانوس
يا سقف جامع
شخيللك حدو الحصان
مش قُلت مرة
ان الكارثة
أشيك الروكوبات
تلاقي الوقت فِ الكرسي اللي جنبك
طب ليه جرّيت
من إكصدام و ل إكصدام
كان نفسي ترجع .

إشارة انتظار

و اتأخّرت
أنا قُلت يمكن عُذرها
زحمة طريق
أو مترو مش عايز يسيب إيدها
و ماشي بالبطيء
أو حتى تاكسي في الإشارة
و الإشارة بتسأل التاكسي
" عيونها دي لونها إيه ؟ "
أنا راح أخلي ثلاث عيوني
زي لون الساعة في على ايدها
دي فضي ؟
طب راح افضي .. كل شارع
من كراكييه عشانها
و اخلي ضحكتها
على كيفها
تعدي في أي حارة "

و اتأخّرت
و انا قُلت يمكن
نسيت الشنطة أو التليفون
و رجعت
ندهت عليها
شجرة عجوزة زيزفون:
" يا بنت يا ام الضل أخضر
طبطني على ظهر محني
و قولي كلّه يهون
و لكن ..
كُلّه إلا الإنتظار يا بنت
يحرق كل شيء
كان أو .. يكون

و اتأخّرت
و الشمس بتشد اللحاف
علشان تنام
سَهَرْت نهار كامل بتستنى

و ظبطتُ

على صدري المنبه

شمس قالت للحمام :

" دقات خطاوي البنت هتصحيني

لو حتى في عزّ الليل

لو ضحكت البنت الهديل

للواد

لاخلّي فوق كنافه م القمر ..

مواويل "

م الساعة كام للساعة كام

الوقت فات

لأ

ما فاتش

كل اللي فاكزه

اتأخرت .. و اتأخرت

لكن .. مجاتش

الباب و اللي مستنيه

كان الونس
مربوط في رجل الدكة
ما تملمش حتى
لما وقفت برا البيت
و ناديت
حسب الأدب
أو حسب ما اتريت
كلب الجيران فوق السطوح
ينبح
لما يلبح
ريحة سفر.. نزت من الشنطة

و يَتَمَلَّأَنِي بِأَبِ الْبَيْتِ :

- مِينِ اِنْتَا ؟

و مِينِ قَالَكْ تَحُطُّ صَبِعَتَكَ فِ عَيْنِي

يَاخِي حَاسِبِ

أَهُو دَمَّعْتِ

- يَا بَابِ

أَنَا الْغَائِبِ

و اِدِينِي رَجَعْتِ

- مِينِ ؟

دَا اَنَا عَائِشِ بِقَالِي سَنِينِ

و لَا شُفْتِكِ

و لَا حَدِّشْ فِي يَوْمِ غَلِطِ و جَابِ سِيرْتِكِ

- يَا بَابِ

أَنَا كَانَ لِي وِرَاكِ اِحْبَابِ

و يَامَا عَدَّيْنَاكِ

يَامَا رَدَّيْنَاكِ .. عَنْ خَوْفِ

يَامَا سَدَّيْنَاكِ .. لَنَشُوفِ

و ياما كُنت تترزح
عشان نَفْسِين هوا يَحْشُوك
فَ بَص ف وشي
يمكن تلقى جوز عيون
يجوز.. وحشوك

- و مين يوحشني غير عيّل
ف يوم قبالة راح يرعى الغنم.. و مجاش
و حتى قميصه.. ما عدّاش
دا حتى الديب
وليف قلبه .. و لا ياكلّاش

- يا باب
أنا هوّا
يا باب
أنا

- لا
غريب .. كداب

ده هوّا كان ..
و كان ابيض
و كان يضحك
و يرقص ضحكّه فوق عُقيي
و كان يحبي
على العتبة
و يسند عوده فوق خشبي
و كان يقوالي كل يومين
سهر.. و كتاب
و كان يشرحلي دين و حساب
و كان يحكيالي عن جنة من العناب
و عن سفرين.. مسافرهمش
و كُنّا صحاب
و كان دائماً يقول : يا باب
متقلشي على قلبي
فمين انتا ؟
يا ابو ضفّرة كما الأسفلت
يا ابو كُحة كما الخماسين
و مش ناقصة الشقوق.. شقّك

و مش ناقصة الحيطان.. دَقَّك
و مين زَقَّك..
عليّ.. تولّع اسجارتك في باقي السوس
أمانة تسييني و العرق اللي متلصم
و سييني ادّس في المدسوس
أمانة تسييني مستنتيه

- يا باب
خلاص .. ما بُصِّش ف وشّي
وشوف قلبي
هتعرّفي
سكاكين المدينة كوم
جوّاه و متّعبي
فعديني
أمانة عليك لنتفتح لي
ده انا كاتب علي صدرك
يا رب اشرح لي و اشرح لي

يا باب
يا مستنيه
رَجْع لك
من حنين سواقيه
ف شِدّ الزير
و صُبّ اسقيه
يا باب عدّيه
يادوب يقعد على الدّكة
و يرجع تاني للسكة
و هيسيك
ف عزّ حضوره مستنيه .

يهذا المَحارب

شكراً على غيابك

عشان

خلاني احس برعشة الكفّ اللي ماتت

من زمن

شكراً كمان لسجايري

- و اللي بتكرهيهها -

حسستني .. إنها شيء بيشاركني

حتى لَمَّا بَنَحِرِق

أو لَمَّا بانْهَج جَوّا سَرِي

و اختلف حواليكِ مع نفسي ..

ما انتي المواضيع كلّها ..

و انتي اللي رايحة في اللي راح

و انتي اللي راجعة باللي جاي

و انتي اللي غايبة

شكراً

لأنك ستّ كلّ الناس

و انا اللي مش باملُك

غير الإحساس

يا هل ترى هيّ القضية تحبّ مين ..

و لا القضية:

انت ابن مين علشان تحب من الأساس !؟

..

شكراً

عشان الشمس كانت

رفرفة رمشك في عز الصيف

و كانت نظرة واحدة تخلّي صدر الجو قايد

فوق طرايف الشوارع

كلّ حرّ مكانش غيرك

كلّ برد

- ياه لو يكون لون الشتا لون جزميتك

أو لون قميصك

أو حتى تدويرة الفستان على صدرك

كل برد مكانش غيرك ..

كل جوّ و كل تغيير في الحياة

- قالولي مرة

لَمّا هتشيل اللّوز

مش راح تحس بأي طعم..

طب ليه بقا دوقتك، و كنتي أحلى حلوة

و انتي السنة كاملة بفصولها ..

كان الربيع أيام دَلَع بيني و بينك

شكراً

لأنك سبتي خايف وسط خوفه ..

سبتي الغبار يملاه

و يفرد عنكبوت الوحدة فوق صدره بيوت

بس يفضل منه عيون بتحلف

إنها شافت حاجات

أبدأً ولا بتُحطّر على قلب البشر ..

يا جنة فوق الأرض ..
قولي هتطرديني لفين
و الأرض كانت في الأساس
منفى اللي يعشق

شكراً و بس
شعوري مش واضح
لكنه يشبه للهزيمة
يهذا المحارب ..
يحسب خسائره أو مكاسبه
أو يحاول يتنظيط فوق الرمال
أو يتسند على سيف خشب
أو يتكي على كتف صاحب
لكن هزيمة زي دي ما بتتوصفش ..
فجأة اكتشفت الموت فمُتّ ..
مُت من بدري قوي
فجأة اكتشفت
ان اللي كان واقف على ناصية كلامك
كان شبح

يهدا اللي حارب
و انجرح ياما ..
انكسر ياما ..
و كان بيسدّ شق الليل بإيده ..
النور ده إسود
ياللي سحبت
من بياض الحلم مركب دهشته
و سابت غرق
أطول من شعاع الشمس
يتسلّى ف بواقي شهقته
شكراً .. بحبك .

مشربية

و لسه عيوني .. شباكي
و متشابكة
خيوط المشربية التلي
قميص اللي اتولد باكي
و متشابكة
خطوط حلمي مع التنهيد
مع الحسرة
مع الآهة اللي بالفصحي
قصيدة.. بس مُختصرة
ما بقدرش اجيب سيرتك
و اخلي الكاف على الكسرة
أخاف لاحسن آخذ بالي
و لا انساكي

ولد محروق

أنا طيب
ماليش في الغنوة و الموال
لا صوت الناي بيعرفني
و لا تعرف كمنجات الكلام كله
تقلدني .. و تعزفني
بأهة واحدة .. بقلعها
بتقلعني
و تزرعني .. بريء أخضر
فروعني .. يا ذراعات بيضا
برفر رفرقة مدبوح
بتوجعني
يا خطوة... أرضها صياد
يايده فتح و رصاصة
و ناصب لي
يمين و شمال
ورا و قدام
بيوت و نواصي قناصة

مفيش سكة
يا إما لفوق
و سقف طريقي ما يسعني
يا إما لتحت ..
و خطوة أرضها صياد
و خطوة كمان .. و يسمعي
..

أنا طيب
ماليش في الغربة و الترحال
ماليش في اللعب
وكل كروتني خسراة
ولد يتقش
عمره ما قش
و لد محروق ..
مالوش في الغش
و لا شايله
حصانه القش

بيحي الليل
و من غير صوت
بينده.. كِشْ
و اكش و اموت
طوابي الحلم مهدومة
و لا بتحمي اللي طار م العش
و بيسافر في مليون وش
يشوف بسمة
على وش الكلام تترش
و ينزل يلقط البسمة
يلاقي الفخ مصطاده
و صياده بريء منه
ملاك أبيض

أنا طيب
بتوحشني عيون الكل
محدث قال.. هه توحشني .



الأعمال الكاملة

t.me/kotbhm